



Tuhaqtidjutikhaq

Tuhaqtitauhaktukhaq

Kangihipkaidjutigilugu uqauhiptingnik talvuuna *Inuit Annuraqausingit*

IQALUIT, Nunavut (Iidjirurvia 3, 2016) – *Uqausirmut Quviasuutiqarniq*, Nunavutip ukiungani quviahuutigivagaat Inuktut Inuinnauyunullu pitquhiinnut, tamaat tatqirhiutaani pidjutikhaat Iidjirurviani.

“Havaqatigiyavut uqauhinut ilauqatigiikpaktut Nunavunmi naunairumavlugu uumani ukiungani pidjutikhaanut, *Inuit Annuraqausingit*, Inuit aannuraangilluunniit,” uqaqtuq Minista Uqauhinut George Kuksuk. “Uumunga pidjutikhaa quviahuutiginiaqtaa nakuukpiaktuq hunaliurpiakpaktullu ilitquhirmingni. Ilautquyatka Nunavunmiutat ilaulutik quviahuutikhani ilihayuuumilitiklu Inuit aannuraaliuqpagainut qanuqlu piliuqhugit, pidjutainullu tainiit pilugit Iidjirurviani.”

Ilagivlugu uumani ukiungani quviahuutikhainut, Pitquhiliqiyikkut naunaiktinniaqtait nipiliuqhimayunik ukuninga 2015-mi akimayunik uumunga Qilaut, Nunavutip ukiungani Inuktut atuqtuuyaliuqnikkut akimanahugittunut. Akimayut atuqtuuyaliuqhimayut piinnarialgit qaritauyakkut CD-mullu. Qiuqutit Inuktut ikayuutikhat tuyuktauniaqtut tamainnut iliharviknut, nutaqqiqiviinnut taiguarviinullu Nunavunmi. Ukuat qiuqutit piqaqniaqtut makpiraaliuqhimayunik, titiqqaliuqhimayunik ayuiqhaidjutikhanik, titiqqanik nivingagakhanik naunaitkutikhaniklu uumunga 2016-mi pidjutikhainut.

Nunavut Kavamangat pitquyait Nunavunmiutat ilaulutik uumani ukiungani quviahuutikhainut uqaqlutik, ilihailutik, ilihailutiklu Inuktut, ihuaqhailutiklu pitquhirmut hulilukaarutikhainik aihimalutik nunallaaptingnilu, havagvingni iliharviknilu. Naunairumagungni uumani ukiungani pidjutikhainut, Inuktut hulilukaarutikhainut ikayuutikhanullu, qaritauyakkut takuyakturlugu www.ch.gov.nu.ca.

###

Tuhaqtidjutinut Uqaqvikhaq:
 Elizabeth Allakariallak Roberts
 Tuhagakhanut Havakti
 Pitquhiliqiyikkut
 867-975-5543
EARoberts@gov.nu.ca

ᐱᑦᑕᑦᑎᑦᑕᑦ ᑕᑦᑎᑦᑎᑦᑕᑦ ᐅᑦᑕᑦᑎᑦᑕᑦ ᐅᑦᑕᑦᑎᑦᑕᑦ ᐅᑦᑕᑦᑎᑦᑕᑦ ᐅᑦᑕᑦᑎᑦᑕᑦ ᐅᑦᑕᑦᑎᑦᑕᑦ ᐅᑦᑕᑦᑎᑦᑕᑦ, www.gov.nu.ca.
 News releases are available in Inuktitut, English, Inuinnaqtun and French on www.gov.nu.ca.
 Tuhaqtaghat itut Inuktitut, Qablunaatit, Inuinnaqtun Uiviititullu talvani www.gov.nu.ca.
 Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.